



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-04-33229-36/21
Sarajevo, 24.09.2021. godine

SKUPŠTINA KANTONA SARAJEVO
-OVDJE-

Predmet: Odgovor na zastupničku inicijativu zastupnice Neire Dizdarević, dostavlja se

Zastupnica Neira Dizdarević je na nastavku 41. Radne sjednice Skupštine Kantona Sarajevo održanom dana 13.09.2021. godine, u okviru tačke Dnavnog reda "Poslanička/zastupnička pitanja, inicijative i odgovori" uputila slijedeću zastupničku inicijativu: "Na osnovu molbe etažnih vlasnika zgrada na adresi Paromlinska 53A, B, C i D, te prethodno pozitivnog odgovora Ministarstva za boračka pitanja sadržanog u aktu broj 06-05-33527/19 od 20.09.2019. godine, želim izvijestiti Ministarstvo za boračka pitanja da su etažni vlasnici zajedno sa predstavnikom etažnih vlasnika poduzeli sve potrebne radnje u vezi problema sa vodom u podrumskim prostorijama, te upoznali upravitelja, nadležnu građevinsku inspekciju, uradili proračun potrebnih sredstava, kao i sve ostale potrebne radnje, te ovom prilikom podnosim inicijativu da Ministarstvo za boračka pitanja obezbijedi potrebna obećana sredstva u gore pomenutom aktu u budžetu Kantona Sarajevo za 2022. godinu, jer većina etažnih vlasnika su iz boračke populacije sa znatnim sa znatnim brojem ratnih vojnih invalida. Etažni vlasnici se ovom prilikom zahvaljuju Ministarstvu na saradnji."

Na pokrenutu zastupničku Inicijativu dajemo slijedeće

I Z J A Š N J E N J E

Ministarstvo za boračka pitanja Kantona Sarajevo (u daljnjem tekstu: Ministarstvo) vrši upravne i stručne poslove utvrđene Ustavom, zakonom i drugim propisima u oblasti ostvarivanja prava članova porodica šehida, članova porodica poginulih, umrlih i nestalih branioca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, demobiliziranih branioca, dobrovoljaca, organizatora otpora, veterana, ratnih vojnih zarobljenika i lica koja su kao maloljetna stupila u Oružane snage R BiH, kao lica zaslužnih u odbrambeno-oslobodilačkom ratu sa područja Kantona Sarajevo, kao i vođenje i podržavanje aktivnosti na očuvanju tekovina odbrambeno-oslobodilačkog rata 1992-1995. godine, održavanju manifestacija i drugih sličnih projekata.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Ministarstvo je po osnovu zahtjeva predstavnika stanara u ulici Paromlinska 55A, B, C i D, u vezi problema vode u podrumskim prostorijama kao i eventualnog tonjenja zgrade, odnosno pružanja pomoći za izvođenje drenaže oko zgrade, sačinilo akt broj: 06-05-33527/19 od 20.09.2019. godine.

Podsjećamo da je u predmetnom aktu navedeno, da ovo ministarstvo nema nadležnosti za poduzimanje aktivnosti na održavanju zgrade ali obzirom na činjenicu da u zgradi živi određeni broj pripadnika boračke populacije, između ostalih i jedan broj ratnih vojnih invalida paraplegičara, ovo ministarstvo je spremno, nakon uključivanja upravitelja zgrade i Općine Novo Sarajevo u rješavanje predmetnog projekta, u skladu sa zakonskim mogućnostima i budžetskim sredstvima podržati isti i učestvovati u određenom iznosu u sufinansiranju izgradnje drenaže a u cilju rješavanja problema sa vodom.

Nakon razmatranja navedene inicijative ističemo da istu podržavamo, ali istu možemo realizirati isključivo kroz podršku projektu, jer smo i ranije podržavali projekte općina od interesa za boračku populaciju (uz podršku Vlade Kantona Sarajevo, obzirom da ne postoji eksplicitan zakonski osnov). U konkretnom slučaju smatramo da jedino moguće i izvodljivo jeste da nosilac aktivnosti bude Općina Novo Sarajevo i kojoj bi ovo Ministarstvo pružilo podršku (sredstva bi se planirala u okviru transfera drugom nivou vlasti). Prije planiranja sredstava neophodno je da nosilac aktivnosti poduzme odgovarajuće aktivnosti u smislu osiguravanja potrebne dokumentacije kao što su neophodne saglasnosti, izvedbeni projekat sačinjen od nadležnog lica, specifikaciju troškova sa ukupnim iznosom i eventualnim učešćem drugih organa i drugo.

Sredstva bi se mogla planirati/osigurati tek na osnovu konkretiziranog zahtjeva nosioca aktivnosti.

S poštovanjem,

Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3,
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.

